



Broj: 01/2-05-371-1/19

Datum: 22.07.2019.godine

U sklopu projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima,“ na području općine Breza i temeljem Sporazuma zaključenog između Općine Breza, i Humanitarne organizacije „MUSLIM AID SARAJEVO“, broj: 01/2-05-371/19 od 18.02.2019. godine, kojim su osigurana donatorska sredstva od strane humanitarne organizacije „MUSLIM AID SARAJEVO“ u iznosu od 40 %, Općine Breza u iznosu od 40 % i vlastitog udjela korisnika u iznosu od 20 %, u cilju razvoja plasteničke proizvodnje na području općine Breza, Općinski načelnik raspisuje:

**JAVNI POZIV
za predaju zahtjeva za dodjelu plastenika od 100 m² sa dodatnom opremom
putem sufinansiranja u projektu**

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Breza, koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava i klijenata u Općini Breza i izvršio ažuriranje podataka za 2019. godinu ili dostavio/la ovjerenu izjavu da će se upisati u Registar poljoprivrednih gazdinstava i klijenata prije dodjele plastenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju, a koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (497,00 KM),
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Služba za privredu općine Breza je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

a) Pogodnost vlastitog zemljišta za plasteničku proizvodnju i mogućnost navodnjavanja

(utvrđuje Komisija za dodjelu plastenika na licu mjesta), 1-3 boda,

- slabi uslovi (veliki nagib, udaljenost od kuće više od 200 m) 1 bod
- dobri uslovi (relativno veliki nagib, udaljenost od kuće do 100 m) 2 boda,
- jako dobri uslovi (blagi nagib, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

b) Dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na birou za zapošljavanje), od 1-4 boda,

- od 0-3 god. 1 bod,
- od 3-6 god. 2 boda,
- od 6-10 god. 3 boda,
- više od 10 god. 4 boda,

- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,

- za svakog izdržavanog člana porodice (nezaposlene osobe koje se nalaze na evidenciji nezaposlenih osoba na Birou za zapošljavanje, djeca, učenici i sl.) – 1 bod,

- mlade osobe životne starosti do 35 godina – 5 bodova,
- ako je podnosilac zahtjeva samohrani roditelj – 2 boda
- socijalni aspekt – nema primanja -6 bodova
- socijalni aspekt – minimalna primanja po članu domaćinstva do 100,00 KM -5 bodova
- socijalni aspekt – minimalna primanja po članu domaćinstva do 200,00 KM -4 bodova,
- socijalni aspekt – minimalna primanja po članu domaćinstva do 250,00 KM - 3 boda,
- socijalni aspekt – minimalna primanja po članu domaćinstva do 300,00 KM - 2 boda,
- socijalni aspekt – primanja po članu domaćinstva veća od 300,00 KM - 0 bodova
- socijalni aspekt stanje na terenu: 0-4 boda.

Kada kandidati pri bodovanju imaju isti broj bodova, prednost će imati kandidati koji imaju status mlade osobe i osobe koja u svome vlasništvu nemaju platenik.

IV POTREBNA DOKUMENTACIJA

Potrebna dokumentacija za dodjelu platenika:

1. Obrazac za prijavu na Javni poziv
2. CIPS prijavnica podnosioca zahtjeva – original ili ovjerena kopija,
3. Ovjerena kopija lične karte,
4. Ovjerena kućna lista,
5. Dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik,
6. Dokaz o nezaposlenosti svih punoljetnih članova porodice izdat od Biroa za zapošljavanje,
7. Potvrde iz škole/fakulteta za djecu/izdržavane članove domaćinstva,
8. Potvrda o visini primanja zaposlenih članova domaćinstva
9. Vlasništvo ili posjed nad parcelom (kopija ZK izvadka ili Posjedovnog lista, kao i Ugovor o zakupu),
10. Ovjerena izjava da ne posjedujem platenik veći od 150 m² u svom vlasništvu,
11. Ovjerena izjava da će korisnik podsticaja dobiveni platenik zadržati u vlasništvu najmanje 3 godine od dana potpisivanja Ugovora
12. Ovjerena izjava da podnosilac zahtjeva u posljednjih 3 godine nije ostvario pravo na donaciju, dodjelu ili sufinansiranje nabavke platenika od općine, ministarstva, humanitarnih i drugih organizacija,
13. Ovjerena izjava da će sufinansirati 20% od nabavne cijene platenika sa pratećom opremom (497,00 KM), te da će obavezno prisustvovati edukaciji iz oblasti plateničke proizvodnje u trajanju od dva dana,
14. Dokaz da je samohrani roditelj (ovjerena kućna lista),
15. Potvrda o upisu u Registar poljoprivrednih gazdinstava i klijenata od općinske službe prema mjestu prebivališta (fizička lica) izdata u 2019. godini.

V. PROCEDURA ODABIRA KORISNIKA

Komisiju za odabir krajnjih korisnika za dodjelu platenika sa pratećom opremom putem sufinansiranja u saradnji sa humanitarnom organizacijom čine: predstavnik organizacije Muslim Aid te dva predstavnika Općine Breza.

Zadatak Komisije za dodjelu platenika je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Saglasnost na predloženu rang listu kandidata daje Općinski načelnik.

Rang lista odabranih kandidata će biti objavljena na oglasnoj ploči Općine i službenoj web stranici Općine Breza.

NAPOMENA:

- Kandidati koji ostvare pravo na dodjelu platenika obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti na info pultu općine Breza, a prijava na Javni poziv za dodjelu platenika – sa naznakom ne otvaraj vrši se na adresu:

Općina Breza, ul. Bogumilska 1, 71370 Breza, a može se podnijeti i neposredno predajom zatvorene koverte ovlaštenom službeniku za prijem podnesaka (protokol) Službe za finansije, inspeksijske poslove i opću upravu Općine Breza.

VI. ROK PODNOŠENJA ZAHTJEVA

Rok za podnošenje zahtjeva je 15 dana, od dana objavljivanja javnog poziva u sredstvima javnog informisanja općine Breza, web stranici općine Breza www.breza.gov.ba, te na oglasnoj ploči Općine Breza.

Javni poziv ostaje otvoren do 05.08.2019. godine do 16 sati.

Nepotpune i neblagovremene prijave se neće uzeti u razmatranje.

Sve dodatne informacije mogu se dobiti u Službi za privredu Općine Breza, ili na broj telefona 032/786-025 svakim radnim danom od 07:30 - 16:00 sati.

DOSTAVLJENO:

1 X Muslim Aid, Koševo 10 Sarajevo
1 X Oglasna tabla Općine Breza
1 x Web stranica Općine Breza
1 x Služba za privredu
1 x Radio Breza
1 x Služba za zapošljavanje Ze-Do kantona, Biro Breza
1 x a/a

OPĆINSKI NAČELNIK

Munib A. Zaimović